



Broj: 01-11-2-4844/25-LOT-1

Konjic, 01. 02. 2026. godine

Na osnovu člana 70. stav (1) i (4), a u vezi sa članom 68. stav (4) tačka f) i članom 69. stav (2) tačka d) Zakona o javnim nabavkama ("Službeni glasnik BiH", broj: 39/14, 59/22 i 50/24), Preporuke Komisije za nabavku broj: 10-11-2-4844/25-9 LOT-1 od 29.01.2026. godine, u postupku javne nabavke "ČIŠĆENJE SNIJEGA NA LOKALNIM PUTEVIMA" LOT-1, a u skladu sa članom 38. Statuta Grada Konjica ("Službeni glasnik Grada Konjica" broj: 10/22) gradonačelnik **d o n o s i**

O D L U K U

o poništenju postupka javne nabavke LOT-1

Član 1.

Poništava se Odluka o izboru najpovoljnijeg ponuđača broj: 01-11-2-4844/25-8 LOT-1 od 14.01.2026. godine, u postupku javne nabavke usluga pod nazivom "ČIŠĆENJE SNIJEGA NA LOKALNIM PUTEVIMA" LOT-1, u skladu sa Preporukom Komisije za nabavku broj: 10-11-2-4844/25—9 LOT-1 od 29.01.2026. godine.

Član 2.

Prihvata se Preporuka Komisije za nabavku, broj: 10-11-2-4844/25-9 LOT-1 od 29.01.2026. godine i poništava se postupak javne nabavke usluga "ČIŠĆENJE SNIJEGA NA LOKALNIM PUTEVIMA" LOT-1, **iz razloga što nijedna od primljenih ponuda nije prihvatljiva.**

Član 3.

Za izvršenje ove Odluke zadužuje se Služba za zajedničke, stručne i inspeksijske poslove.

Član 4.

Ova odluka objaviće se na web - stranici ugovornog organa: www.konjic.ba, u skladu s članom 70. stav (6) Zakona, istovremeno s upućivanjem ponuđačima koji su učestvovali u postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 01-11-2-4844/25-1 od 12.12.2025. godine.

Javna nabavka je provedena putem konkurentskog zahtjeva.

Procijenjena vrijednost javne nabavke bez PDV-a je 30.735,00 KM.

Procijenjena vrijednost LOT-a iznosi: 6.000,00 KM.

Gradonačelnik je Odlukom o imenovanju komisije broj: 01-11-2-4844/25-2 od 16.12.2025. godine, imenovao Komisiju za javnu nabavku i zamjenske članove za nabavku predmetnih usluga.

Komisija za javnu nabavku je dostavila rukovodiocu ugovornog organa Zapisnik o pregledanju i ocjeni ponuda, Preporuku o izboru najpovoljnijeg ponuđača i Izvještaj komisije o radu, na osnovu kojih je donesena Odluka o izboru najpovoljnijeg ponuđača broj: 01-11-2-4844/25-8 LOT-1 od 14.01.2026. godine, kojom se okvirni sporazum dodijelio ponuđaču JKP „STANDARD“ d.o.o Konjic. U članu 2.

dispozitiva navedene Odluke o izboru najpovoljnijeg ponuđača, izabranom ponuđaču je naloženo da u roku od 5 dana od dana prijema Odluke, na protokol ugovornog organa, dostavi dokaze o kvalifikovanosti u skladu sa tenderskom dokumentacijom.

Provjerom u službenju evidenciju / protokol ugovornog organa po proteku krajnjeg roka za dostavljanje kvalifikacijske dokumentacije utvrđeno je da izabrani ponuđač, u predviđenom roku, nije dostavio tražene dokumente kojima se dokazuje ispunjenje uslova za kvalifikaciju ponuđača.

S obzirom na navedeno, Komisije je postupila u skladu sa članom 68. stav (1) Zakona o javnim nabavkama Bosne i Hercegovine ("Službeni glasnik BiH" br. 39/14, 59/22 i 50/24) i odbacila ponudu izabranog ponuđača **jer isti nije dostavio dokaze ispunjenja uslova iz člana 45. Zakona**, te predložila Gradonačelniku da se poništi postupak za nabavku usluga "Čišćenje snijega na lokalnim putevima" LOT-1 iz razloga što nijedna od primljenih ponuda nije prihvatljiva.


Uvidom u dokumentaciju, rukovodilac ugovornog organa nije našao razloge nepravilnosti, niti propuste u radu koji bi eventualno bili osnov za neprihvatanje preporuke komisije, te je odlučeno kao u dispozitivu ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od pet (5) dana od dana prijema ove odluke. Žalba se izjavljuje KRŽ-u putem ugovornog organa u pisanoj formi direktno, elektronskim putem, ili preporučenom poštanskom pošiljkom.

Žalba se podnosi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču, kao i drugim strankama u postupku.

Pripremio: Semir Hajduk
Kontrolisao: Nedžad Ramić



Dostaviti:

1. Gradonačelniku,
2. Ponuđaču,
3. Službi za prostorno uređenje, građenje, zaštitu okoline i komunalne poslove,
4. Službi za ekonomsko-finansijske i prave poslove,
5. Službi za zajedničke, stručne i inspeksijske poslove,
6. A/a.